

KU DHAQAN XAFIIS D.



Faafin Rasmi ah

EE JAMHURIYADDA DIMUQRADIGA SOMALIYA

Sanadka 1

Muqdisho, Tr. 20 Dicember 1973

Lam. 26

Laanta Maamulka Faafinta Rasmiga ah
ee ka tirsan Madaxtooyada Golaha Sare ee Kacaanka

FAAFIN BIL SOO BAXA

QIIMADU: waa 5 shilin lambar waliba — RUKUNKA: Sanadii waa Sh. 100 Somaliya gudebreds — dibaddedana waa Shs. 300. Rukunka la weydiisto waqtiga loo gooyay waxuu ka bilabmaa 1 Janayo. Qiimaha qoritaanku F. R. halkii sadar iyo waxii ka yar waa 2 laba shilin — Rukunka iyo qoritaanku waxaa la weydiistaa Laanta Maamulka Faafinta Rasmiga ah — Lacagta waxaa lagu bixinaya Xafiiska Canshura ee Wasaarada Lacagta

KOBNIIN BOGGA KOOWAAD SHARCI

SHARCI L. 19 Tr. 9 Dicembre 1973 — *Sharci ku saabsan cagafcagafta iyo wixii la xidhiidha (Tractors and Alkied Machinery) oo ay wakaaladda cagaftu (ONAT) u celiso wakaaladda guntada deg degga ah.*

Bog. 481

SHARCI L. 20 Tr. 9 Dicembre 1973 — *Toosin sharciga tiradiisu tahay 54 ee soo baxay 10kii Sebtember 1970.*

» 482

BOGGA LABAAD

XEER DOWLADEED

XEER GUDDOONSHAHA GOLAHA SARE EE KACAANKA, Tr. 5 Dicembre 1973, L. 119 — *Nidaaminta waqafyada.*

» 483

XEER GUDDOONSHAHA GOLAHA SARE EE KACAANKA, Tr. 8 Dicembre 1973, L. 120 — *Isbaddalkii Shanaad ee Miisaaniyadda Sannadkan 1973 (5th Virement of 1973 Budget).*

» 487

BOOGA LABAAD XEER DOWLADEED

XEER GUDDOONSHAHA GOLAHA SARE EE KACAANKA

Tr. 5 Dicembre 1973, L. 119.

Nidaaminta Waqafyada.

GUDDOONSHAHA GOLAHA SARE EE KACAANKA

ISAGOO EEGAY Warqaddii Koowaad yo tii Labaad ee Kacaanka iyo Xerka Lamb. yahay 1 ee soo baxay 21kii Oktoobar 1969.

ISAGOO EEGAY Qodobka 2aad ee Xerka Lamb. yahay 21 ee soo baxay 19kii Jannaayo 1973.

ISAGOO FIIRAAYA Inay laagma maarmaan tahay in la soo saaro nidaamooyinka kan ee lagu fulinayo Xeerka Waqafyada ee Lamb. lahay 21 ee soo baxay 19kii Jannayo 1973.

ISAGOO AQOONSADAY In Xeerka Waqafyada loo sameeyo Hab idaaari ah (Regolamento Amministrativo) oo lagu maamulo.

ISAGOO QAATAY Ra'yigii Xoghayaha Wasaaradda Garsoorka iyo Diinta.

WUXUU SOO SAARAYAA NIDAAMOYINKA

HOOS KU QORAN

Qodobka 1aad

Guddiga Waqafyada

1. Sidii loo ilaalinlahaa oo loo la socon lahaa xoolaha la waqaf waa in la magacaabaa guddi waqafyada loo xil saaro oo ka kooban:

- Agaasimaha Guud ee Wasaaradda Garsoorka iyo Diinta Gud-doomiye;
- Agaasimaha Waaxda Diinta — Xubin-Xoghaye;
- Nin Culumada Mashaayikhda ka mid ah oo uu magacaabo;
- Xoghayaha Wasaaradda Garsoorka iyo Diinta.

2. Xoghayaha Wasaaradda Garsoorka iyo Diinta waa inuu la socda wixii uu qabto Guddiga Waqafyada.

Qodobka 2aad

Mas'uuliyadda Xoolaha Guud ee la Waqafy

Mas'uuliyadda dhammaan xoolaha guud ee la waqafay oo ay ka mid yihiin Masaajiddada iyo xoolaha la waqafay intaanan Xeerkaan soo bixin oo masu'ul yaddooda ay saarneyd dad kale, waxay saaran tahay Guddi-

Qodobka 3aad

Diiwaan gelinta xoolaha guud

1. Guddigu wuxuu haysanayaa Diiwaanka waqafyada la geliyey oo loo yaqaan «Diiwaanka Waqafyada» kaasoo caddeynaaya waxyaalaha hoose ku qoran:

- i) Meesha ay ku yaalaan xoolaha la waqfay iyo caddeeyntooda.
- ii) Qofka waqfay magaciisa iyo rugta joogtadiisa ah haddii la yaqaan.
- iii) Meesha loogu waqfay magaceeda haddii la yaqaan.
- iv) Qofka loo dhiibay magaciisa iyo rugta joogtadiisa ah.
- v) War kasta oo kale oo ku saabsan maamulka waqafka.

2. Qof kasta oo loo dhiibay xoolaha la waqfay waa inuu hubsadaa in Diiwaanka la geliyo muddo 3 bilood gudaheeda waqfayada horay u jrey iyo kuwa cusub bil gudeheeda marka la bilaabo taarikhda uu hirgalo Xeer Nidaamiyaha kan. Haddii uu sidaas yeeli waayo wuxuu gelayaa dambi waxaana lugu ciqaabi karaa haddii ay Maxkamad ku caddeyso taqsiir ilaa iyo 1.000/-.

Qodobka 4aad

Guddiga awoodda uu u leeyahay xisaabaadka weydiintooda

1. Guddigu wuxuu awood u leeyahay inuu u yeero ninkii loo dhiibay xoolaha kasta ee dadweynuhu leeyahay oo la waqfay si uu uga qanciyo in xoolahaa loo maamulay sidii waajibka ahayd. Wuxuu guddigaloo awood u leeyahay inuu weydiisto ninkii loo dhiibay xoolaha la waqfay ama qofkasta oo kaleba in uu keeno buugag iyo warqadaba ku saabsan xisaabaadka ama kuwa kale ee ku saabsan waqafyadaas.

Qof kasta oo si kas ah u diida weydiiskaas wuxuu gelayaa dambi waxaana lagu ciqaabi karaa haddii ay Maxkamaddu dambiga ku caddeyso taqsiir ilaa iyo 1.000/- Sh.

Qodobka 5aad

Guddigu awoodda uu u leeyahay ilaalinta xoolaha guud

ee la waqfay mararka qaarkood

1. Guddigu wuxuu awood u leeyahay inuu la wareego ilaalinta xoolaha guud ee la waqfay haddii ay u muuqato:

- i) In qofka loo dhiibay waqfka aan si habboon loogu magacaa-

- ii) Qofka xoolaha la waqfay loo dhiibay haddii aanu si fiican waajibkiisa u gudan, ama gutay si aan loo masaabixin ama si aan xeerku ahayn ama khilaafsan usluubta wanaagsan.
2. Markaasoo kale, Guddigu markey waqti siiyaan oo uu ku sheego sababihii uu uga soo bixi kari waayey shaqadiisii, guddigu wuxuu amar ku soo saa rayaa inuu la wareegey ilaalinta xoolahaas ama ay u dhiibaayaan nin kale.
3. Qof kasta oo raali ka noqon waaya amrkaas wuxuu arji u qoran karaa oo dhibaataadiisa u sheegan karaa Xoghayaha Wasaaradda Garsoorka iyo Diinta Haduusan misna ka raali noqon go'aankii Xoghayahay ama Xoghayahay uusan soo gaarsiinin go'aanka muddo 30 maalmood gudaheeda qofku wuxuu u dacwoon karaa Maxkamadda Sare sida Sharciga waafaqsan.

Qodobka 6aad

Xoolaha Guud ee la waqfay waa in loo maamulaa siduu rabey ninka waqfay

1. Xoolaha guud ee la waqfay waa in loo maamulaa sida uu rabey ninkii waqfay laankiinse sida uu rabey waa iney noqotaa wax suuragal ah oo waafaqsan Sharciyada iyo danta guud.
2. Mar kasta oo guddigu arko inaan la socodsiin kareyn amaba ay sharciga ka hortaagan yahay sida ninkaasi uu rabey, wuxuu Guddigu awood u leeyahay inuu go'aan ka gaaro si loo maamulo xoolahaas oo laagu qabto hawl fiican sida waafaqsan danaha guud iyo sharciyada.

Qodobka 7aad

Hawsha xisaabaadka iyo Hantidhawrka

1. Waxaa waajib ku ah Guddiga inuu si fiican u ilaaliyo xisaabaadka ku saabsan xoolaha la waqfay oo uu maamulayo. Xafiiska Hantidhawrka isna waa inuu la socdaa xisaabaadkaas.
2. Lacagta ka timaada xoolaha la waqfay waa in la dhigaa Bangiga Dawladda ayadoo lagu dhigaayo magaca waqafka uu leeyahay Lacataas. Xisaabaadkaas waxaa maamulya Guddiga.

Qodobka 8aad

Kulanyada

1. Guddigu wuxuu kulmayaa ugu yaraan siddedii biloodba mar. Guddigu waqtiyaal kalana waa kulmi karaa haddii Xoghayaha Wasaaradda Garsoorka iyo Diinta waqti uu u qabto.

2. Xoghayaha Guddigu wuxuu qorayaa hadallada fadhiyada Guddiga waana saxiixayaa. Guddoomiyaha Guddiguna waa la saxiixayaa.

Qodobka 9aad

Shaabada Guddiga

Guddiga waqafyada wuxuu yeelanayaa shaabda u gaar ah oo tilmaamehedu uu caddeynayo Xoghayahay Wasaaradda Garsoorka iyo Diinta.

Qodobka 10aad

Xeer nidaamiyahakan hirgalikiisa

Xeer ndaamiyashakan wuxuu hirgeli doonaa taariikhda uu ku soo baxo Faafinta Rasmiga ah ee Dawladda.

Muqdisho, 5 Dicembre 1973.

Jaalle S. Gaas Maxamed Siyaad Barre
GUDDOONSHAHA
GOLAHA SARE EE KACAANKA
